

聞具足道等云云。此卽緣覺界所具十界也。經云、地涌千界乃至眞淨大法等云云。此卽菩薩所具十界也。經云、或說己身或說他身等云云。卽佛界所具十界也。問曰、自他面六根共見之。於彼此十界者未見之。如何信之。答曰、法華經法師品云、難信難解。寶塔品云、六難九易等云云。天台大師云、二門悉與昔反、難信難解。章安大師云、佛將此爲大事。何可得易解也等云云。傳教大師云、此法華經最爲難信難解。隨自意故等云云。夫在世正機過去宿習厚之上、教主釋尊・多寶佛・十方分身諸佛、地涌千界・文殊・彌勒等扶之、令諫曉猶不信者有之。五千去席人天被移。況正像。何況末法初哉。汝信之者非正法。問曰、經文竝天台章安等解釋無疑網。但以火云、水以墨云、白。設雖爲佛說難取信。今數見他面但限入界不見餘界。自面亦復如是。如何立信心乎。答、數見他面、或時喜、或時瞋、或時平、或時食現、或時癡現、或時諂曲、瞋地獄貪餓鬼、癡畜生、諂曲修羅、喜天人。於他面色法、六道共有之。四聖冥伏不現、委細尋之可有之。問曰、於六道雖不分明粗聞之似備之。四聖全不見。如何。答曰、前人界六道疑之。雖然強言之出相似言。四聖又可爾歟。試添加道理萬一宣之。所以世間無常有眼前。豈人界無二乘界乎。無顧惡人猶慈愛妻子。菩薩界一分也。